

## **MUNIB HUSEJNAGIĆ**

Drugo moje zastupničko pitanje u ime Kluba zastupnika postavljam pitanje koliki je do danas tačan iznos pričinjene štete Zavodu zdravstvenog osiguranja Ze-do kantona zbog nezakonitog postupanja u pogledu izricanja otkaza uposleniku Zavoda Begić Senaidu? Odnosno, koliki su ukupni troškovi bespotrebnog, neosnovanog otkaza i šta se poduzelo kao sankcija za odgovorne kao i ... kao i koje su mjere poduzete za spriječavanje daljeg troška Zavod ... za Zavod zdravstvenog osiguranja Ze-do kantona? Obrazloženje – obzirom na evidentnu samovolju nezakonitog postupanja i ne poštivanja zakona od strane tadašnjeg v.d. direktora Hamzić Dževada kao i nastavak takvog odnosa od strane sadašnje direktorice Mirzete Subašić u ime Kluba Socijaldemokratske partije postavljam gore navedeno pitanje. Imenovani su nezakonitom postupanje što je do sada u protekle više od 2 godine potvrđeno konačnom presudom kroz 3 sudska spora direktno oštetili Zavod odnosno građane Ze-do kantona za iznos od preko 50 hiljada maraka, a koji još nije konačan, te i dalje ignorišući pravdu i pravosuđe svojim činjenjem i odgađanjem nastavljaju voditi u Zavodu sve veći trošak. Do kad ... do kada će samovolja direktor biti iznad zakona i kada će isti odgovarati za svoje nezakonite postupke? Ko su direktor da ... da unaprijed znaju ishode svojih postupaka radi s ... radi samo njima znanih razloga? Svjesno pričinjavaju nove troškove neobazirajući se na ... na dokazanu pravnu argumentaciju i presude sudova. Zbog svega navedenog tražimo odgovore koji će ... ko je odlučio i ko i dalje odlučuje voditi unaprijed izgubljene sudske postupke odnosno ko neće da postupa po presudama sudova? Koliko su nas još te ... to koštati i koja je odgovornost za nastalu štetu? Kakva je uloga Upravnog odbora Zavoda zdravstvenog osiguranja u sprečavanju i pokretanju odgovornosti za ovakve postupke odgovornih osoba u Zavodu zdravstvenog osiguranja? Prosto je nevjerovatno da direktor ustanove ne želi da postupi po presudama i kada je visina presuđenog tužbenog zahtjeva dokazana. Isti se žali recimo na visinu plate radnika iako dobro zna kolika je bila plata i koliko je dosuđenog iznosa što potvrđuje da je suština samo odgađati nemoguće, bez obzira koliko to košta građane dok kamate svakim danom, novim danom rastu. Tražimo odgovor na gore postavljena pitanja. U prilogu dostavljamo presudu Općinskog suda od 18.11.2016. godine, presudu Kantonalnog suda od 12.09.2017. godine i presudu Općinskog suda od 29.06.2018. godine.